

«Jizzax plastmassa» АЖ акциядорларининг  
2019 йил 5 ноябрдаги навбатдан ташқари  
умумий йиғилиши қарори билан  
«ТАСДИҚЛАНГАН»

**«JIZZAX PLASTMASSA»  
АКЦИЯДОРЛИК ЖАМИЯТИ  
АКЦИЯДОРЛАР УМУМИЙ  
ЙИҒИЛИШИ ТҮҒРИСИДАГИ  
НИЗОМИ**

## I. УМУМИЙ ҚОИДАЛАР

- 1.1. Мазкур низом «Jizzax plastmassa» АЖ нинг акциядорлари умумий йиғилиши мавқенини белгилайди ва унинг ишини, уни ўтказиш ва қарорлар қабул қилинишини тартибга солади.
- 1.2. Мазкур Низом Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида» ги Қонуни, Корпоратив бошқарув кодекси ва Қоидалари ҳамда бошқа меъёрий-ҳуқуқий ҳужжатлар ва «Jizzax plastmassa» АЖ нинг (матн бўйича –Жамият) уставига мувофиқ ишлаб чиқилган.
- 1.3. Жамият ҳар йили акциядорларнинг йиллик (навбатдаги) умумий йиғилишини ўтказиши шарт. Акциядорларнинг йиллик умумий йиғилиши йил тугаганидан кейин олти ойдан кечиктирмай ўтказилади. Жамият акциядорларнинг навбатдаги йиллик умумий йиғилиши одатда ҳар йили июнь ойининг 01 санасидан 30 санасигача бўлган давр оралиғида ўтказилади.
- 1.4. Акциядорларнинг йиллик умумий йиғилишида Жамиятнинг кузатув кенгашини ва тафтиш комиссиясини сайлаш тўғрисидаги, Жамиятнинг Бошқарув раиси билан тузилган шартноманинг муддатини узайтириш, уни қайта тузиш ёки бекор қилиш масалалари ҳал этилади, шунингдек, Жамиятнинг йиллик ҳисоботи, Кузатув кенгashi ва Ижроия органининг Жамиятни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисботлари ва мазкур низомнинг 2.1. бандида назарда тутилган бошқа масалалар кўриб чиқилади.
- 1.5. Акциядорларнинг йиллик умумий йиғилишидан бошқа ўтказиладиган йиғилишлар навбатдан ташқари йиғилишлар ҳисобланади.
- 1.6. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати Жамиятнинг кузатув кенгashi томонидан белгilanади.
- 1.7. Барча оддий акциялар бигта акциядорга тегишли бўлган тақдирда акциядорларнинг умумий йиғилиши ўтказилмайди. Жамият устави ва ушбу Низом билан акциядорларнинг умумий йиғилиши ваколатига киритилган масалалар бўйича қарорлар бундай акциядор томонидан якка тартибда қабул қилинади ҳамда ёзма шаклда расмийлаштирилади. Бунда қонунчилик ва ушбу низомда кўзда тутилган акциядорлар умумий йиғилишига тайёргарлик кўриш, уни чақириш ва ўтказиш тартибини ҳамда муддатларини белгиловчи қоидалари қўлланилмайди, акциядорларнинг йиллик умумий йиғилишини ўтказиш муддатларига тааллуқли қоидалар бундан мустасно.

## II. АКЦИЯДОРЛАР УМУМИЙ ЙИҒИЛИШИНинг ВАКОЛАТЛАРИ, АКЦИЯДОРЛАРНИ ВА УЛАРНИНГ ВАКОЛАТЛИ ВАКИЛЛАРИНИ РЎЙХАТДАН ЎТКАЗИШ

- 2.1. Акциядорлар умумий йиғилишининг ваколат доирасига қўйидагилар киради:
- 2.1.1. Жамият Уставига ўзгартиши ва қўшимчалар киритили ёки Жамият янги таҳрирдаги Уставини тасдиқлаши, Жамиятнинг Устав фонди миқдорини қўшимча акциялар жойлаштириши йўли билан қўпайтишиш ва Жамият Уставига устав фондини кўпайтиши ҳамда жамиятнинг эълон қилинган акциялари сонини камайтиши билан боғлиқ ўзгартириши ва қўшимчалар киритилиш бундан мустасно;
- 2.1.2. Жамиятни қайта ташкил этиши;
- 2.1.3. Жамиятни тугатиш, тугатувчини (тугатиш комиссиясини) тайинлаши ҳамда оралиқ ва якуний тугатиш балансларини тасдиқлаши;
- 2.1.4. Жамият Кузатув кенгашининг сони ва таркибини белгилаши, уларнинг аъзоларини сайлаши ва аъзоларнинг ваколатларини муддатидан илгари тугатиш. Кузатув кенгashi аъзоларига мукофот ва компенсациялар тўлаши;
- 2.1.5. Эълон қилинган акцияларнинг энг кўп миқдорини белгилаши;
- 2.1.6. Жамиятнинг Устав фондини камайтириши;
- 2.1.7. ўз акцияларини қайтариб сотиб олиши;
- 2.1.8. Жамиятнинг ташкилий тузилмасини тасдиқлаши, Жамият ижроия органини тузиш, Жамият Бошқарувининг фаолияти тартибини белгилаб берувчи Низомни тасдиқлаши;
- 2.1.9. Жамият Бошқарув раисини сайлаши (тайинлаши, ёллаши) ва унинг ваколатларини муддатидан илгари тугатиш. Жамият Бошқарув раисини тайинлаши тўғрисидаги қарор, одатда, хорижий менежерлар ҳам иштирок этиши мумкин бўлган танлов асосида қабул қилинади;

- 2.1.10.** Жамият тафтиши комиссиясини сайлаш өнүнгө ваколатларини муддатидан илгари түгатиш, шунингдек тафтиши комиссияси тұғрисидаги низомни тасдиқлаш; Тафтиши комиссиясига мукофот өн а компенсациялар тұлаш;
- 2.1.11.** Жамияттің ыллук ҳисоботини, шунингдек Жамият фаолияттің асосий үйналишилари өн мақсадидан келиб чиқкан қолда Жамияттың үрта муддатга өн үзөк муддаттаға ривожлантиришинде аниқ муддатлары белгиланған стратегиясина тасдиқлаш;
- 2.1.12.** Жамияттің фойдасы өн зарапларини тақсимлаш;
- 2.1.13.** Жамият Кузатуғ кенгашининг өн ваколат доирасига кирадыған масалалар юзасидан, шу жумладан Жамияттың бошқармасы даир қонун ҳужжатларыда белгиланған талабларға риоя этилиши юзасидан Жамият Кузатуғ кенгашининг ҳисоботларини өн Тафтиши комиссиясинаң хүлосаларини эшиштиш;
- 2.1.14.** акциядорлар умумий ығилишиның регламентини тасдиқлаш;
- 2.1.15.** мажбурий аудиторлық текширувінің үтказышы учун аудиторлық ташкилотини белгилаш, ушбу ташкилоттің хизматларына тұланағыдан әңг күп ҳақ миқдори өн ү билан шартнома түзүші (шартноманы бекор қилиш);
- 2.1.16.** акцияларни майдалаш өн ыриклиштириш;
- 2.1.17.** конунчилікдә назарда түтілған қолларда ырик битимлар түзүші ҳақида қарор қабул қилиш;
- 2.1.18.** конунчилікдә назарда түтілған қолларда Жамияттің аффилланған шахслары билан битимлар түзүші ҳақида қарор қабул қилиш;
- 2.1.19.** дивидендлар тұлашы тұғрисидан қарорни қабул қилиш, акцияларнан қарор бир тоғасы өн түри бүйіча дивиденд миқдори, тұлов шакли өн тартибини белгилаш;
- 2.1.20.** Ижроия органининг аффилланған шахслар билан өн ырик битимларни мустақил амалға ошириши учун Жамияттің жорий хұжалик фаолияті билан бөрлиқ битимларни аниқлаш;
- 2.1.21.** Корпоратив бошқаруғы кодекси өн корпоратив бошқаруғы қоидалары тағсияларына риоя этиши мажбуриятті олиш тұғрисидан қарор қабул қилиш өн хабарни ошкор қилиши шаклини тасдиқлаш;
- 2.1.22.** Жамияттің бошқаруғы органдары тұғрисидегі ҳамда ички назорат, дивиденд сиёсаты тұғрисидегі, манбааттар қарама-қаршилиги вактида ҳаракат қилиши тартиби тұғрисидегі низомларини тасдиқлаш;
- 2.1.23.** Ҳар йили мустақил профессионал ташкилоттар – маслағатчиларни жалб қылған қолда бизнес-жараёндар өн лойиҳаларнинг Жамияттің ривожланиши мақсадларына мубоғиқтігін юзасидан таҳлил үтказыш тұғрисидан қарор қабул қилиш;
- 2.1.24.** Ҳомиілік (хайрія) ёки беғарал әрдам күрсаттіш (олиши) тартиби өн шартларини белгилаш, уларни амалға ошириши ваколаттін кузатуғ кенгашына берши тұғрисидан қарор қабул қилиш;
- 2.1.25.** Электрон почта орқали (электрон рақамы имзо билан тасдиқланған қолда), шунингдек, өн ваколаттін вакилга берши ығули билан овоз берши ёки умумий ығилишини видеоконференц-aloқа тарзидан үтказыш тартибини белгилаш (тасдиқлаш);
- 2.1.26.** Саноқ комиссиясига амалий күмак күрсаттіш ёки үннеге функциясынің бажарыши учун мустақил экспертерларни жалб этиши (масалан, инвестиция маслағатчысы ёки қымматли қоғозлар бозорининг бошқа профессионал иштирокчысы) тартибини белгилаш (тасдиқлаш);
- 2.1.27.** Жамият маблағлары ҳисобидан миноритар акциядорлық құмитасини сақлаш ҳаражаттін қоплаш (миноритар акциядорлық құмитасы түзилған тақдирда) тартибини белгилаш (тасдиқлаш);
- 2.1.28.** Акциядорларнинг умумий ығилишида ҳисобот беруви Жамият бошқаруғы өн назорат органдары маңузалары (ҳисоботлары) шакли өн мазмуннан бұлған талабларни үрнатыш, акциядорлар умумий ығилиши дағомийлігін белгилаш;
- 2.1.29.** қонунчилікдә өн мазкур Уставда күзде түтілған бошқа масалаларни ҳал этиши.
- 2.2.** Акциядорлар умумий ығилишине ваколат доирасига кириллік масалалар Жамияттің Кузатуғ кенгашы өн ижроия органдары ҳал қилиши учун берилиши мүмкін эмес.
- 2.3.** Акциядорларнинг умумий ығилиши кузатуғ кенгашы аязолары, Жамият акциядорлары, бошқаруғы өн назорат органдары аязолары үртасыда үзаро ишонч, ҳурмат, ҳисобдорлық өн назорат тамойиллары асосидегі ҳамкорлықни таъминлайды.

### III. АКЦИЯДОРЛАР УМУМИЙ ЫҒИЛИШІДА ҚАТНАШИШ ҲУҚУҚИ

- 3.1.** Акциядорларнинг умумий ығилишида иштирок этиши ҳуқуқига акциядорларнинг умумий ығилиши үтказиладыған санадан уч иш куни олдин шакллантирилған Жамият акциядорларининг реестрида қайд этилған акциядорлар эга бўлади.
- 3.2.** Жамият акциядорнинг талабига кўра акциядорга у акциядорларнинг умумий ығилишини үтказиш учун шакллантирилған Жамият акциядорларининг реестрига кириллігін тұғрисидан ахборот тақдим этиши шарт.

**3.3.** Жамият акциядорларининг шакллантирилган реестрига ўзгартеришлар фақат реестр тузилган санада кўрсатиб ўтилган реестрга киритилмаган шахсларнинг бузилган ҳукуқлари тикланган ёки уни тузишда йўл қўйилган хато тузатилган тақдирда қонун ҳужжатларида белгиланган тартибда киритилиши мумкин.

**3.4.** Умумий йиғилишда қатнашиш учун акциядорлар ёки уларнинг ваколатли вакиллари йиғилиш тўғрисидаги билдиришномада кўрсатилган жой ва вақт бўйича рўйхатдан ўтишлари керак.

**3.5.** Жамият акциядорлари реестрида қайд этилган акциядорлар, уларни ваколатли вакиллари, саноқ комиссияси, ички аудит хизмати ходимлари, аудиторлик текширувани ўтказган аудиторлик ташкилотининг вакили, кузатув кенгаши ва ижроия органи аъзолари, тафтиш комиссияси, шунингдек, миноритар акциядорлар қўмитаси (мавжуд бўлганда) ва бошқалар кузатув кенгаши раисининг таклифига биноан акциядорларнинг умумий йиғилишида қатнашиш ҳукуқига эга.

**3.6.** Жамиятнинг кузатув кенгаши, ижроия органи аъзолари ва тафтиш комиссияси аъзолари, шунингдек, аудиторлик текширувани ўтказган аудиторлик ташкилотининг вакили акциядорларнинг йиғилик умумий йиғилишида ўз органи хисботи билан иштирок этиши шарт.

**3.7.** Жамиятнинг кузатув кенгашига, тафтиш комиссияси аъзолигига ва Бошқарув раиси лавозимига номзодлари кўрсатилган шахслар ўз номзодларининг кўриб чиқилиши белгиланган акциядорларнинг умумий йиғилишида қатнашиши мумкин.

**3.8.** Акциядорнинг вакили акциядорларнинг умумий йиғилишида ёзма шаклда тузилган ишончнома асосида иш юритади. Овоз беришга доир ишончномада ваколат берган ва вакил қилинган шахс тўғрисидаги маълумотлар (исми-шарифи ёки номи, яшаш жойи ёки жойлашган ери, паспортига оид маълумотлар) бўлиши лозим. Жисмоний шахс вакилининг ишончномаси нотариал тартибда тасдиқланган бўлиши шарт. Юридик шахс вакилининг ишончномаси ушбу юридик шахс раҳбарининг имзоси ёки ва юридик шахснинг муҳри билан тасдиқланган ҳолда берилади.

**3.9.** Акциядор акциядорларнинг умумий йиғилишидаги ўз вакилини исталган вақтда алмаштиришга ёки йиғилишда шахсан ўзи иштирок этишга ҳақлидир.

**3.10.** Умумий йиғилишда қатнашиш учун келган жисмоний шахслар бўлган акциядорларни рўйхатдан ўтказиш паспорт ёки акциядорнинг шахсини тасдиқловчи бошқа ҳужжат кўрсатилгач, вакилга нисбатан эса нотариал тартибда тасдиқланган ишончнома кўрсатилгач амалга оширилади.

**3.11.** Юридик шахс (Жамият акциядори) раҳбари умумий йиғилишдаги ўз ваколатларини лавозимга тайинлаш тўғрисидаги ҳукуқий ҳужжат ҳамда шахсни тасдиқловчи ҳужжат асосида амалга оширади.

**3.12.** Юридик шахснинг (Жамият акциядорининг) вакили акциядорлар умумий йиғилишида ушбу юридик шахс раҳбарининг имзоси ёки бунга таъсис ҳужжатлари билан вакил қилинган бошқа шахснинг имзоси ва юридик шахснинг муҳри билан тасдиқланган унинг номига берилган ишончнома мавжуд бўлган тақдирда қатнашиши мумкин.

**3.13.** Агар Жамиятнинг акцияси бир нечта шахснинг умумий улушли мулкида бўлса, акциядорларнинг умумий йиғилишида овоз бериш ваколатлари уларнинг хоҳишига кўра умумий улушли мулк иштирокчиларидан бири ёки уларнинг умумий вакили томонидан амалга оширилади. Кўрсатиб ўтилган ҳар бир шахснинг ваколатлари тегишли тарзда расмийлаштирилган бўлиши керак.

**3.14.** Акциядорларнинг умумий йиғилишини ўтказиш учун шакллантирилган Жамият акциядорлари реестрига мувофиқ ушбу Низомнинг 1-иловасидаги шакл бўйича қайд этиш рўйхати тузилади.

**3.15.** Қайд этиш рўйхати рисола ҳолига келтирилган, тартиб рақами қўйилган, иш ўтказиб тикилган ва Жамият муҳри билан тасдиқланган бўлиши керак.

**3.16.** Умумий йиғилишни ўтказишида акциядорлар (уларнинг вакиллари) қайд этиш рўйхатига имзо чекадилар ва Жамият акциядорлари реестри маълумотлари бўйича белгиланган ҳар бир акциядорнинг овоз берувчи акциялари сонидан келиб чиқиб овоз бериш учун бюллетенлар тўпламини оладилар (2-илова).

**3.17.** Агар йиғилиш қатнашчиси бир ёки бир неча акциядорнинг манфаатларини ифодалашга ишончнома тақдим этса, у ҳолда унга у ифодалаётган акциядор (акциядорлар) учун овоз беришга бюллетен берилади, рўйхатдан ўтиш рўйхатида эса у ифодалаётган акциядорнинг фамилияси

қаршиисига «\_\_\_\_\_та (сони) овоз берувчи акциялар бўйича «\_\_\_\_\_» да берилган ишончнома бўйича» деган ёзув қайд этилади ҳамда вакилнинг фамилияси, исми, отасининг исми кўрсатилади.

#### **IV. АКЦИЯДОРЛАРНИНГ УМУМИЙ ЙИФИЛИШИНИ ЎТКАЗИШГА ТАЙЁРГАРЛИК КЎРИШ**

**4.1.** Акциядорларнинг умумий йиғилишини ушбу низомнинг 1.3-бандида белгиланган муддатда ўтказиш ва сифатли тайёргарлик кўриш учун Жамият ижроия органи қуидагиларни амалга оширади:

- Акциядорлар умумий йиғилиши қарори билан танланган аудиторлик ташкилоти билан мажбурий аудит текширувани ўтказиш учун шартнома тузиши, шунингдек, халқаро молиявий ҳисоботлар стандартларига асосан молиявий ҳисоботларни тузиши, халқаро молиявий ҳисоботлар стандартларига мувофиқ ташқи аудит ўтказиш бўйича шартномада текширув тугашининг аниқ муддатини кўрсатиши;
- халқаро молиявий ҳисоботлар стандартларига мувофиқ тузилган молиявий ҳисоботларни ташқи аудит ўтказилгандан кейин ҳар йили акциядорларнинг умумий йиғилишини ўтказиш белгиланган санадан икки ҳафта олдин эълон қилинишини таъминлаши.

Шунингдек, Жамият ижроия органи қуидагиларни ишлаб чиқади (тайёрлайди):

- умумий йиғилишини ўтказиш регламенти, соф фойдани тақсимлашида (зарарларни қоплаш) ҳар бир йўналишишини ва умумий йиғилишида кўриб чиқиладиган бошқа ҳужжатлар, шунингдек, саноқ комиссиясини тузиши бўйича таклифлар лойиҳаси. Акциядорларнинг умумий йиғилиши кун тартибига киритиш учун, шунингдек, Жамият кузатув кенгаши ва тафтиши комиссиясига кўрсатилган номзодлар ва бошқа маълумотлар тўғрисидаги акциядорларнинг таклифларини умумлаштириши;
- Жамиятнинг йиллик ҳисоботи ва йиллик бизнес-режаси, шунингдек Жамият фаолиятининг асосий йўналишилари ва мақсадидан келиб чиқсан ҳолда Жамиятни ўрта муддатга ва узоқ муддатга ривожлантиришининг аниқ муддатлари белгиланган стратегиясини;
- Жамиятнинг бизнес-режаси кўрсаткичларининг бажарилиши ва ривожлантириши стратегиясига эришиш бўйича кўрилаётган чора-тадбирлар тўғрисида Жамият ижроия органининг ҳисоботи, мажбурий аудиторлик текширувани ўтказиш учун аудиторлик ташкилотини танлаши бўйича танлов ўтказиш;

**4.2.** Жамият ижроия органи ушбу низомнинг 4.1 – банди иккинчи қисмидаги кўрсатилган материалларни ишлаб чиқсандан (тайёрлагандан) кейин, уларни кўриб чиқиш учун кузатув кенгashi муҳокамасига киритади.

**4.3.** Акциядорларнинг умумий йиғилишини ўтказишга тайёргарлик кўрилаётганда Жамиятнинг кузатув кенгashi қуидагиларни белгилайди:

- умумий йиғилиши ўтказиладиган сана, вақт ва жойни;
- умумий йиғилишининг кун тартибини;
- умумий йиғилишини ўтказиш ва акциядорларни хабардор қилиши учун Жамият акциядорларининг реестри шакллантириладиган санани;
- умумий йиғилиши ўтказилиши ҳақида акциядорларга хабар қилиши тартибини;
- умумий йиғилишини ўтказишга тайёргарлик кўрилаётганда акциядорларга тақдим этиладиган ахборот (материаллар) рўйхатини;
- овоз берии бюллетенининг шакли ва матнини.

**4.4.** Акциядорларнинг умумий йиғилиши ўтказиладиган сана уни ўтказиш тўғрисида қарор қабул қилинган кундан эътиборан йигирма бир кундан кам ва ўттиз кундан кўп этиб белгиланиши мумкин эмас.

**4.5.** Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида 21 кундан кечиктирмай, лекин узоғи билан 30 кун олдин Корпоратив ахборот ягона порталаида, жамиятнинг расмий веб – сайтида, оммавий ахборот воситаларида эълон қилинади, шунингдек акциядорларга электрон почта орқали юборилади. (З-илова).

**4.6.** Акциядорларнинг умумий йиғилишини ўтказиш тўғрисидаги хабарда қуидагилар кўрсатилиши керак:

- Жамиятнинг номи, жойлашган ери (почта манзили) ва электрон почта манзили;
- умумий йиғилиши ўтказиладиган сана, вақт ва жой;
- Жамият акциядорларининг реестри шакллантириладиган сана;

- умумий йиғилиши күн тартибига кирилган масалалар;
- умумий йиғилишини ўтказишга тайёргарлик кўрилаётганда акциядорларга (давлат вакилига) тақдим этилиши лозим бўлган ахборот (материаллар) билан акциядорларни ва давлат вакилини таништириши тартиби.

**4.7.** Акциядорларнинг умумий йиғилишини ўтказишга тайёргарлик кўрилаётганда акциядорларга (давлат вакилига) тақдим этилиши лозим бўлган ахборот (материалларга) Жамиятнинг йиллик ҳисботи, Жамиятнинг йиллик молия – хўжалик фаолиятини текшириш натижалари юзасидан Жамият тафтиш комиссиясининг ва аудиторлик ташкилотининг хуносаси, Жамиятнинг кузатув кенгаши ҳамда тафтиш комиссиясига номзодлар тўғрисидаги маълумотлар, Жамиятнинг уставига киритиладиган ўзгартиш ва қўшимчалар лойиҳаси ёки Жамиятнинг янги таҳрирдаги устави лойиҳаси ва күн тартиби бўйича бошқа зарур маълумотлар киради.

**4.8.** Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши мажбурий бўлган қўшимча ахборотнинг (материалларнинг) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

**4.9.** Жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) Жамиятнинг молия йили тугаганидан кейин тўқсон кундан кечиктирмай акциядорларнинг йиллик умумий йиғилиши күн тартибига масалалар киритиш, Жамият кузатув кенгаши ва тафтиш комиссиясига бу органнинг миқдор таркибидан ошмайдиган тарзда номзодлар кўрсатишга, номзодларни умумий йиғилиш ўтказилгунга қадар алмаштириш имконияти билан таклиф киритиш ҳуқуқига эга.

**4.10.** Акциядорлар умумий йиғилишининг күн тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади (4 -илова).

**4.11.** Жамият кузатув кенгашига ва тафтиш комиссиясига номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод Жамият акциядори бўлса), шунингдек номзодни кўрсатаётган акциядорларнинг исми – шарифи (номи), уларга тегишли акцияларнинг сони ва тури кўрсатилади.

**4.12.** Жамиятнинг кузатув кенгаши тушган таклифларни кўриб чиқиши ҳамда мазкур низомнинг 4.9. бандда белгиланган муддат тугаганидан сўнг ўн кундан кечиктирмай уларни акциядорларнинг умумий йиғилиши күн тартибига киритиш тўғрисида ёки мазкур күн тартибига киритишни рад этиш ҳақида қарор қабул қилиши шарт.

**4.13.** Акциядорлар (акциядор) томонидан киритилган масала акциядорлар умумий йиғилишининг күн тартибига, худди шунингдек кўрсатилган номзодлар Жамиятнинг кузатув кенгашига ва тафтиш комиссиясига сайлов бўйича овоз бериш учун номзодлар рўйхатига киритилиши керак, қўйидаги ҳоллар бундан мустасно:

- ушибу низомнинг 4.9. бандида белгиланган муддатга акциядорлар (акциядор) томонидан риоя этилмаган бўлса;
- акциядорлар (акциядор) Жамиятнинг ушибу низомнинг 4.9. бандида назарда тутилган миқдордаги овоз берувчи акцияларининг эгаси бўлмаса;
- ушибу низомнинг 4.10. бандида назарда тутилган маълумотлар тўлиқ бўлмаса;
- таклифлар қонун хужжатлари талабларига мувофиқ бўлмаса.

**4.14.** Акциядорлар (акциядор) Жамият кузатув кенгаши ва тафтиш комиссиясига ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартиришлар киритишга ҳақли.

**4.15.** Жамият кузатув кенгашининг масалани акциядорлар умумий йиғилишининг күн тартибига ёки номзодни Жамият кузатув кенгашига ва тафтиш комиссиясига сайлов бўйича овоз бериш учун номзодлар рўйхатига киритишни рад этиш тўғрисидаги асослантирилган қарори масалани киритган ёки таклиф тақдим этган акциядорларга (акциядорга) қарор қабул қилинган кундан эътиборан уч иш кунидан кечиктирмай юборилади.

**4.16.** Жамият кузатув кенгашининг масалани акциядорлар умумий йиғилишининг кун тартибига ёки номзодни Жамият кузатув кенгашига ва тафтиш комиссиясига сайлов бўйича овоз бериш учун номзодлар рўйхатига киритишни рад этиш тўғрисидаги қарори устидан судга шикоят қилиниши мумкин.

## **V. АКЦИЯДОРЛАРНИНГ НАВБАТДАН ТАШҚАРИ УМУМИЙ ЙИҒИЛИШИНИ ЎТКАЗИШГА ТАЙЁРГАРЛИК КЎРИШ**

**5.1.** Акциядорларнинг навбатдан ташқари умумий йиғилиши Жамият кузатув кенгашининг қарорига кўра:

- унинг ўз ташаббуси асосида;
- тафтиши комиссиясининг ёзма талаби;
- ёзма талаб тақдим этилган санада Жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) ёзма талаби асосида (5-илюва) ўтказилади.

**5.2.** Кузатув кенгаши ваколатларини муддатидан илгари тугатиш масаласи бўйича акциядорларнинг навбатдан ташқари умумий йиғилишини ўтказиш тўғрисидаги асосий талаблари қўйидагилардан иборат:

- Ўзбекистон Республикасининг қонунлари, Жамият устави ва умумий йиғилиши қарорларига риоя қилмаслик;
- акциядорларнинг мулкий ҳуқуқларига зарар келтириши ва Жамиятга зиён келтириши, шунингдек, молиявий-хўжалик фаолиятининг ёмонлашуви, Жамият фойдаси ва рентабеллигининг пасайиши, иш ва хизматлар реализациясини асоссиз қисқартирилиши билан боғлиқ;

**5.3.** Акциядорларнинг навбатдан ташқари умумий йиғилишини ўтказиш тўғрисидаги талабда йиғилиш кун тартибига киритилиши керак бўлган масалалар уларни киритиш сабаблари кўрсатилган ҳолда таърифланган бўлиши керак.

**5.4.** Агар навбатдан ташқари умумий йиғилишини чақириш кузатув кенгаши ваколатларини муддатидан илгари тугатиш масаласини киритиш белгиланган тақдирда, шундай йиғилиш кун тартибига кузатув кенгашининг янги таркибини сайлаш масаласи тўғрисидаги таклифлар киритилган бўлиши шарт.

**5.5.** Жамият тафтиш комиссиясининг ёки Жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) ёзма талабига кўра акциядорларнинг навбатдан ташқари умумий йиғилишини чақириш акциядорларнинг навбатдан ташқари умумий йиғилишини ўтказиш ҳақида ёзма талаб тақдим этилган кундан эътиборан ўттиз кундан кечиктирмай Жамиятнинг кузатув кенгаши томонидан амалга оширилади.

**5.6.** Жамиятнинг кузатув кенгаши Жамият тафтиш комиссиясининг ёки Жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилиши кун тартибидаги масалаларнинг таърифига ўзгаришилар киритишга ҳақли эмас.

**5.7.** Акциядорларнинг навбатдан ташқари умумий йиғилишини чақириш тўғрисидаги талаб акциядордан (акциядорлардан) чиққан тақдирда, бу талабда умумий йиғилишни чақиришни талаб қилаётган акциядорнинг (акциядорларнинг) исми-шарифи (номи), унга тегишли акцияларнинг сони, тури кўрсатилган бўлиши лозим.

**5.8.** Акциядорларнинг навбатдан ташқари умумий йиғилишини чақириш тўғрисидаги талаб акциядорларнинг навбатдан ташқари умумий йиғилишини чақиришни талаб қилган шахс (шахслар) томонидан имзоланади.

**5.9.** Жамиятнинг тафтиш комиссияси ёки Жамият овоз берувчи акцияларининг камидаги беш фоизига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан ўн кун ичидаги Жамият кузатув кенгаши акциядорларнинг навбатдан ташқари умумий йиғилишини чақириш тўғрисида ёки йиғилишини чақиришни рад этиш ҳақида қарор қабул қилиши керак.

**5.10.** Жамият тафтиш комиссиясининг ёки Жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) талабига кўра акциядорларнинг навбатдан

ташқари умумий йиғилишини чақиришни рад этиш тұғрисидаги қарор қуйидаги ҳолларда қабул қилиниши мүмкін, агар:

- акциядорларнинг навбатдан ташқари умумий йиғилишини чақиришини талаб қилаётган акциядор (акциядорлар) үшбу низомнинг 5.1. бандида назарда тутилған миқдордаги Жамият овоз берувчи акцияларининг әгаси бўлмаса;
- кун тартибига киритиш учун таклиф этилған масалалардан бирортаси ҳам акциядорлар умумий йиғилишининг ваколат доирасига кирмаса;
- кун тартибига киритиш учун таклиф этилған масала қонун хужжатлари талабларига мувофиқ бўлмаса.

**5.11.** Жамият кузатув кенгашининг акциядорларнинг навбатдан ташқари умумий йиғилишини чақириш тұғрисидаги қарори ёки бундай йиғилишини чақиришни рад этиш ҳақидаги асослантирилған қарори йиғилиш чақиришни талаб қилған шахсларга қарор қабул қилинган пайтдан эътиборан уч иш кунидан кечиктирмай юборилади.

**5.12.** Жамият кузатув кенгашининг акциядорларнинг навбатдан ташқари умумий йиғилишини чақиришни рад этиш тұғрисидаги қарори устидан судга шикоят қилиниши мүмкін.

**5.13.** Жамият кузатув кенгаши ушбу низомнинг 5.9. бандида белгиланған муддат ичида акциядорларнинг навбатдан ташқари умумий йиғилишини чақириш тұғрисида қарор қабул қилмаган тақдирда ёки уни чақиришни рад этиш ҳақида қарор қабул қилған тақдирда, акциядорларнинг навбатдан ташқари умумий йиғилиши уни чақиришни талаб қилған шахслар томонидан чақирилиши мүмкін. Бундай ҳолларда акциядорларнинг умумий йиғилишига тайёргарлик кўриш ва уни ўтказиш билан боғлиқ харажатларнинг ўрни акциядорлар умумий йиғилишининг қарорига кўра Жамиятнинг маблағлари ҳисобидан қопланиши мүмкін.

**5.14.** Акциядорларнинг навбатдан ташқари умумий йиғилишини ўтказишга Жамият кузатув кенгаши ёки акциядорларнинг навбатдан ташқари умумий йиғилишини чақиришни талаб қилған шахслар қонунчилликда ва ушбу Низомда ўрнатилған тартибда тайёргарлик кўради.

## **VI. АКЦИЯДОРЛАР УМУМИЙ ЙИҒИЛИШИ КВОРУМИ**

**6.1.** Агар акциядорларнинг умумий йиғилишида иштирок этиш учун рўйхатдан ўтказиш тугалланған пайтда Жамиятнинг жойлаштирилған овоз берувчи акцияларининг жами эллик фоизидан кўпроқ овозига эга бўлған акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади.

**6.2.** Агар йиғилиш бошланиши белгиланған вақтдан бир юз йигирма минутдан ортиқ вақт давомида акциядорларнинг умумий йиғилишини ўтказиш учун кворум бўлмаса, акциядорларнинг тақориий умумий йиғилишини ўтказиш санаси эълон қилинади. Акциядорларнинг тақориий умумий йиғилишини ўтказишда кун тартибини ўзгартиришга йўл қўйилмайди.

**6.3.** Агар акциядорларнинг ўтказилмай қолган йиғилиши ўрнига чақирилған тақориий умумий йиғилишида иштирок этиш учун рўйхатдан ўтказиш тугалланған пайтда Жамиятнинг жойлаштирилған овоз берувчи акцияларининг жами қирқ фоизидан кўпроқ овозига эга бўлған акциядорлар (уларнинг вакиллари) рўйхатдан ўтган бўлса, акциядорларнинг тақориий умумий йиғилиши ваколатли бўлади.

**6.4.** Акциядорларнинг тақориий умумий йиғилишини ўтказиш тұғрисида хабар ушбу низомда ва Жамиятнинг Уставда назарда тутилған тартибда, шаклда ва муддатларда амалга оширилади.

## **VII. АКЦИЯДОРЛАР УМУМИЙ ЙИҒИЛИШНИНГ ИШЧИ ОРГАНЛАРИ**

**7.1.** Қуйидагилар умумий йиғилиш ишчи органлари ҳисобланади: раёсат, саноқ комиссияси, котиб (котибият).

**7.2.** Акциядорлар умумий йиғилиши раёсати ва раиси акциядорлар умумий йиғилишида сайланади. Акциядорларнинг умумий йиғилишини Жамият кузатув кенгашининг раиси, у узрли сабабларга кўра бўлмаган тақдирда эса, Жамият кузатув кенгашининг аъзоларидан бири олиб боради.

**7.3.** Акциядорлар умумий йиғилиши раиси йиғилиш раёсатига бошчилик қиласи, йиғилиш олиб борилишини таъминлайди ва ўз вазифаларини бажариш учун зарур бўлған барча ваколатларга эга бўлади.

7.4. Умумий йиғилиш раиси йиғилиш ўтишига раҳбарлик қилади, ишчи органлари ишини мувофиқлаштиради, масалаларни муҳокама қилиш тартибини белгилайди, маърузачиларнинг нутқ сўзлашпари вақтини чегаралайди, йиғилишни олиб бориш ва овоз бериш давомида тушунтиришлар беради, залда тартиб ўрнатилишини назорат қилади.

7.5. Акциядорларнинг талабларига кўра, умумий йиғилиши раиси акциядорлар умумий йиғилишининг аудио-видео ёзуви ва интернет тармоғидаги трансляциясига руҳсат бериш ваколатига эга. Умумий йиғилиш раиси йиғилиш баённомасини имзолайди.

7.6. Овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатта олиш, шунингдек овоз бериш бюллетеңларини тарқатиш учун Жамият кузатув кенгаши томонидан саноқ комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланади.

7.7. Саноқ комиссиясининг функциясини бажариш учун жалб этилган мустақил экспертлар саноқ комиссияси ишини амалга ошириши мумкин.

7.8. Саноқ комиссиясининг таркиби камида уч кишидан иборат бўлиши керак. Саноқ комиссияси таркибига Жамият кузатув кенгашининг аъзолари, тафтиш комиссияси аъзолари, Жамият Бошқарув раиси ва аъзолари шунингдек ана шу лавозимларга номзоди кўрсатилган шахслар кириши мумкин эмас.

7.9. Акциядорларнинг умумий йиғилишида овоз бериш «Жамиятнинг овоз берувчи битга акцияси – битта овоз» принципи бўйича амалга оширилади, Жамиятнинг кузатув кенгаши аъзоларини сайланаш бўйича кумулятив овоз беришни ўтказиш ҳоллари бундан мустасно.

7.10. Акциядорларнинг умумий йиғилишида кун тартиби масалалари бўйича овоз бериш овоз бериш бюллетеңлари орқали амалга оширилади.

7.11. Овоз берилганида овоз берувчи қайси масала бўйича эҳтимол тутилган овоз бериш вариантиларидан фақат биттасини қолдирган бўлса, ўша масала бўйича берилган овозлар ҳисобга олинади. Мазкур талабни бузган ҳолда тўлдирилган овоз бериш бюллетеңлари ҳақиқий эмас деб топилади ва улардаги масалалар бўйича берилган овозлар ҳисобга олинмайди.

7.12. Агар овоз бериш бюллетеңида овозга қўйилган бир нечта масала кўрсатилган бўлса, бир ёки бир нечта масалага нисбатан ушбу Низомининг 7.11. бандида кўрсатилган талабга риоя этилмаганлиги бюллетеңнинг умуман ҳақиқий эмас деб топилишига сабаб бўлмайди.

7.13. Овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатта олиш, шунингдек овоз бериш бюллетеңларини тарқатиш учун Жамият кузатув кенгаши томонидан саноқ комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланади.

7.14. Саноқ комиссияси унга юклатилган вазифаларни бажариш масаласида мустақил иш юритувчи йиғилишнинг ишчи органи ҳисобланади.

7.15. Саноқ комиссияси ваколатларининг муддати у акциядорлар умумий йиғилиши томонидан сайланган пайтдан бошлаб акциядорларнинг тегишли йиғилиши (йиллик ёки навбатдан ташқари) томонидан саноқ комиссиясининг янги таркиби сайланиши (ёки қайта сайланиши) пайтигача амал қилади.

7.16. Акциядорлар умумий йиғилишини ўтказишга тайёргарлик қўриш пайтида саноқ комиссияси кузатув кенгашининг топшириғига кўра қўйидаги функцияларини амалга оширади:

- акциядорлар умумий йиғилишида қатнашиши ҳуқуқига эга бўлган акциядорлар рўйхатини тузади;
- овоз бериш бюллетеңларини ва умумий йиғилишининг бошқа материалларини беради ва юборади, берилган (юборилган) бюллетеңлар ҳисобини олиб боради.
- умумий йиғилишида қатнашиши учун акциядорларни (уларнинг вакилларини) рўйхатдан ўтказади;
- ишончномалар ва улар томонидан бериладиган ҳуқуқлар ҳисобини юритади;
- овоз бериши бюллетеңларини ва умумий йиғилишининг бошқа ахбороти (материаллари)ни тарқатади;
- акциядорлар умумий йиғилиши кворуми бор ёки йўқлигини аниқлайди.
- акциядорлар (уларнинг вакиллари) томонидан умумий йиғилишида овоз бериши ҳуқуқини амалга ошириши муносабати билан пайдо бўлувчи масалаларни тушунтиради;
- овоз беришига қўйилаётган масалалар бўйича овоз бериши тартибини тушунтиради;

- овоз бершигининг белгиланган тартибини ва акциядорларнинг овоз бершида қатнашиши ҳуқуқини таъминлайди;
- овозларни санайди ва овоз берши якунларини чиқаради;
- овоз берши якунлари тұжғрисида баённома тузади;
- овоз берши бюллетенларини архивга топширади.

### **VIII. АКЦИЯДОРЛАР УМУМИЙ ЙИФИЛИШНИ ОЛИБ БОРИШ ТАРТИБИ**

- 8.1. Акциядорлар умумий йиғилишини олиб бориш тартиби акциядорларнинг ҳар бир умумий йиғилишида мазқур низомга мувофиқ тасдиқланади.
- 8.2. Кузатув кенгашы раиси умумий йиғилишнинг раёсатини ва котибини шунингдек зарур бұлған холларда саноқ комиссиясини янги таркибини сайлашни таклиф этади.
- 8.3. Умумий йиғилишни олиб бориш тартиби йиғилишнинг бошланиши ва тахминан тамом бўлиш вақтини, нутқлар қанча давом этиши ва танаффусларни, кун тартиби масалаларининг изчиллигини, кун тартиби масалалари бўйича маърузачиларнинг фамилиялари ва лавозимларини, овоз беришни амалга ошириш ва унинг натижаларини эълон қилиш тартибини назарда тутади.
- 8.4. Акциядорларнинг умумий йиғилишида Жамият кузатув кенгашининг, ижроия органининг мукофот ва компенсациялари миқдори, шунингдек, тақсимлашга таклиф этилаётган соф фойда, дивидендлар миқдорининг асосланиши, уларнинг Жамият дивиденд сиёсатига мувофиқлигининг баҳоланиши (зарурат туғилганда соф фойданинг муайян қисмини Жамиятни ривожлантириш эҳтиёжларига йўналтиришнинг тушунтирилиши ва иқтисодий асосланиши) батафсил ошкор этилади (эълон қилинади).
- 8.5. Акциядорлар умумий йиғилишининг раиси йиғилиш ўтиш пайтида пайдо бўлған масалалар бўйича акциядорлар умумий йиғилишининг ҳар бир қатнашчисига белгиланган вақт доирасида сўзга чиқиши ҳуқуқини беришни якка ўзи ҳал этади.
- 8.6. Кун тартибидаги масалаларни муҳокама қилишда қатнашиш истагини билдирганлар умумий йиғилиш котибиятига муҳокама қилинадиган масалани кўрсатган ҳолда ёзма талабнома беришлари лозим.
- 8.7. Жамият акциядорларнинг умумий йиғилишида иштирок этувчи шахсга шундай шахс ҳисобидан ўзи тўлдириган бюллетенъ нусхасини олиши имконини беради.
- 8.8. Кун тартибининг барча масалалари муҳокама қилингандан кейин раис акциядорлар умумий йиғилишини ёпиқ деб эълон қиласи.

### **IX. АКЦИЯДОРЛАР УМУМИЙ ЙИФИЛИШИННИНГ БАЁННОМАСИ**

- 9.1. Умумий йиғилиш котибиятининг сон ва шахсий таркиби акциядорлар умумий йиғилиши томонидан тасдиқланади.
- 9.2. Умумий йиғилиш котибияти:
- умумий йиғилишининг боришини баёнга қайд этиб боради;
  - ёзма буюртманомалар бўйича йиғилиш кун тартиби масалаларини муҳокама қилишида қатнашиши истагини билдирувчилар рўйхатини олиб боради;
  - умумий йиғилиши тамом бўлгандан сўнг ўн кундан кечиктирмай акциядорлар умумий йиғилиши баёнини икки нусхада тузади.
- 9.3. Акциядорлар умумий йиғилишининг баённомасида:
- акциядорларнинг умумий йиғилиши ўтказилган сана, вақт ва жой;
  - Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони;
  - умумий йиғилишида иштирок этган акциядорлар эга бўлган овозларнинг сони;
  - умумий йиғилишининг раиси (раёсати) ва котиби, йиғилиши кун тартиби;
  - маърузаларнинг асосий қоидалари, овозга қўйилган масалалар ҳамда улар юзасидан ўтказилган овоз берииш якунлари, йиғилиши қабул қилган қарорлар;
  - акциядорлар умумий йиғилиши аудио-видео ёзуби ва интернет тармоғидаги трансляцияси орқали ўтган тақдирда, ушибу маълумотлар кўрсатилиши лозим.

**9.4.** Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Баённоманинг ҳар иккала нусхаси ҳам умумий йиғилишда раислик қылувчи ва умумий йиғилиш котиби томонидан имзоланади.

**9.5.** Саноқ комиссияси баёни йиғилишнинг маҳсус қарори билан тасдиқланмайди, балки маълумот учун қабул қилиниб, умумий йиғилиш баённомасига қўшиб қўйилиши керак.

**9.6.** Акциядорлар умумий йиғилиши баёни имзолангандан сўнг саноқ комиссияси йиғилиш ҳужжатларини, шу жумладан умумий йиғилишнинг рӯйхатдан ўтиш рӯйхатини, саноқ комиссияси аъзолари томонидан муҳрланган овоз бериш бюллетенларини, овоз бериш якунлари тўғрисидаги баёнини ва акциядорлар умумий йиғилиши баёнини сақлаш учун Жамият архивига топширади.

## **X. АКЦИЯДОРЛАР УМУМИЙ ЙИҒИЛИШИ ҚАРОРЛАРИНИ БАЖАРИШ**

**10.1.** Акциядорларнинг умумий йиғилиши томонидан қабул қилинган қарорлар, шунингдек овоз бериш якунлари акциядорлар эътиборига:

- акциядорлар умумий йиғилиши тугаганидан сўнг эълон қилиши;
- акциядорлар умумий йиғилиши баённомаси тузилган санадан икки иш куни давомида мухим факт тўғрисидаги маълумотларни корпоратив ахборотларнинг ягона портали ва Жамиятнинг расмий веб – сайтиларида ошкор қилиши йуллари билан етказилади.

**10.2.** Жамият Бошқаруви акциядорлар умумий йиғилишининг қарорлари бажарилишини ташкиллаштиради.

**10.3.** Акциядорлар умумий йиғилиши қарорлари бажарилиши устидан назорат қилишни, башарти йиғилиш қарорида ўзгача ҳол қайд этилмаган ва баёнда акс эттирилмаган бўлса, Жамият кузатув кенгаши амалга оширади.

**10.4.** Акциядорлар умумий йиғилишининг қарорлари умумий йиғилишда ҳозир бўлган, шунингдек ҳозир бўлмаган барча акциядорлар томонидан, уларга тегишли ва қонунчиликка зид бўлмаган қисми бўйича бажарилиши мажбурийдир.

Акциядорлар умумий йиғилиши

тұғрисидаги Низомга

1 - Илова

201\_\_\_ йил «\_\_» \_\_\_\_ куни соат \_\_:\_\_да қүйидеги манзил бўйича \_\_\_\_\_  
бўлиб ўтадиган «Jizzax plastmassa» АЖ акциядорларининг навбатдаги йиллик / навбатдан ташқари  
умумий йиғилишида иштирок этишга хақли акциядорлар рўйхати

Акциядорлар рўйхати 201\_\_\_ йил «\_\_» \_\_\_\_ кунига Марказий рўйхатдан ўтказувчи томонидан  
шакллантирилган реестр асосида тузилган  
Овоз берувчи акциялар сони - \_\_\_\_\_ дона

№	Акциядор номи	Овоз берувчи акциялар сони	Акциядор имзоси	Акциядор вакили иштирок этганда тўлдирилади				
				Акциядор вакилининг Ф.И.Ш.	Ишончнома рақами	Ишончнома санаси	Овоз берувчи акциялар сони	Вакилнинг имзоси
1	2	3	4	5	6	7	8	9

Жами:

Саноқ комиссияси аъзолари:

---

---

---

## «Jizzax plastmassa» акциядорлик жамияти

201\_\_\_ йил «\_\_\_» \_\_\_\_ қуни соат \_\_\_:\_\_\_да қуийдеги манзил бүйича \_\_\_\_\_ бұлиб  
ұтадиган навбатдаги йиллик/навбатдан ташқары умумий йиғилишида овоз бериш учун  
\_\_\_\_\_ Бюллетень

(Акциядорнинг тұлиқ номи)

(овоз берувчи акциялар сони)

(Акциядор вакилининг тұлиқ номи)

№	Овоз беришга құйилған ҳар бир масаланиң таърифи	ёқлайман	қаршиман	бетарафман

	<b>Кумулятив овоз беришга құйилған масала</b> Кумулятив овоз берииш орқали амалга оширилади. Кумулятив овоз беришда ҳар бир акциядорга тегишли овозлар сони жамиятнинг кузатуғ кенгашига сайланиши лозим бўлган шахслар сонига кўпайтирилади ва акциядор шу тарифа олинган овозларни битта номзодга тұлиқ беришга ёки уларни икки ва ундан ортиқ номзодлар ўртасида тақсимлашга ҳақлидир.				
	<b>Кумулятив овоз беришдаги акциялар сони</b>				
	Номзодлар	Иш жойи	Номзод акциядор бўлган ҳолда, унга тегишли акциялар сони	Акциялар тури	Ёқлайман (овозлар сони кўрсатилсин)

**Акциядорлар умумий йиғилиши  
тұғрисидаги Низомига  
3 - Илова**

**БИЛДИРИШНОМА**  
«Jizzax plastmassa» АЖ акциядорларининг диққатига

**ХУРМАТЛИ АКЦИЯДОРЛАР!**

«Jizzax plastmassa» АЖ акциядорларининг навбатдаги йиллик / навбатдан ташқари умумий йиғилиши 201\_ йил “\_\_\_” \_\_\_\_ куни, \_\_\_\_\_ манзили бүйича ўтказилади.

Йиғилиш соат \_\_\_ да бошланади. Акциядорларни руіхатта олиш соат \_\_\_ дан бошланади. Умумий йиғилиш ўтказиш учун Жамият акциядорлари реестри 201\_ йил “\_\_\_” \_\_\_\_ ҳолатига тузилади.

**Йиғилиш кун тартиби:**

- 1.
- 2.
- 3.

Акциядорларнинг навбатдаги йиллик / навбатдан ташқари умумий йиғилишида қатнашиш ва овоз бериш учун акциядорларда шаҳсни тасдиқловчи хужжат, акциядорлар вакилларида эса қонунчилекда белгиланган тартибда расмийлаштирилган ишончнома бўлиши лозим.

Акциядорлар умумий йиғилишда кўриб чиқиладиган масалалар бўйича маълумот ва материаллар билан «Jizzax plastmassa» АЖ да ушбу хабар эълон қилинган кундан бошлаб йиғилиш ўтказиладиган кунга қадар соат \_\_\_ дан \_\_\_ гача танишиш мумкин.

Маълумот учун телефон: \_\_\_\_\_

**Акциядорлар умумий йиғилиши**

**тұғрисидаги Низомига**

**4 - Илова**

**«Jizzax plastmassa» АЖ**

Акциядор \_\_\_\_\_ нинг Акциядорлар умумий йиғилиши кун тартибига масалани киритиш  
тұғрисидаги **таклифи**

Жами акциялар сони: \_\_\_\_\_ та

шу жумладан:

овоз берувчи акциялар сони \_\_\_\_\_ та «Jizzax plastmassa» АЖ жами овоз берувчи акцияларнинг камида 1%)  
имтиёзли акциялар сони \_\_\_\_\_ та

Акциядорлар умумий йиғилишининг кун тартибига киритилаётган масала, уни құйиши  
сабаблари:

---

---

Жамият Кузатув кенгаши таркибига номзодлар (Ф.И.Ш., иш жойи, эгаллаган лавозими, уларга  
тегишли акциялар сони ва тури):

---

---

Жамият Тафтиш комиссияси (Ф.И.Ш., иш жойи, эгаллаган лавозими, унга тегишли акциялар сони  
ва тури):

---

---

Акциядорлар умумий йиғилиши  
тұғрисидаги Низомига  
5 - Илова

«Jizzax plastmassa» АЖ

Акциядор \_\_\_\_\_ нинг акциядорларнинг навбатдан ташқари  
умумий йиғилишини қақириш ҳақидағи талаби

Жами акциялар сони: \_\_\_\_\_ та  
шу жумладан:

овоз берувчи акциялар сони \_\_\_\_\_ та «Jizzax plastmassa» АЖ жами овоз берувчи акцияларнинг камида 1%  
имтиёзли акциялар сони \_\_\_\_\_ та

Талабнинг мазмуні (акциядорларнинг навбатдан ташқари йиғилиши қақирилишининг сабаби)

---

---

Акциядорлар умумий йиғилишининг күн тартибига киритилаёттан масала, уни құйиши  
сабаблари:

---

---

Жамият Кузатув кенгаши таркибига номзодлар (Ф.И.Ш., иш жойи, әгаллаган лавозими, уларга  
тегишли акциялар сони ва тури):

---

---